



Nunaqarfinni innuttaasut peqqinnissaqarfiup allalluunniit assingusumik piginnaaneqartut ingerlatassaannik inuunernik peqqinnermillu annaassiniarluni ikiueqqaarnernik pikkorissartinneqartalernissaannik pisariaqartitsinernik periarfissanillu Naalakkersuisut peqquneqarnissaannik Inatsisartut aalajangiffigisassaatus siunnersuut. Misissuineq ukioq 2019 naatinngagu qanoq aningaasalersorneqarnissaanut pisariaqartitsinerit periarfissallu Inatsisartunut saqqummiunneqassaaq.

(Inatsisartunut ilaasortaq Doris J. Jensen, Siumut)

(Siullermeerneqarnera)

Inuuneq toquluunniit pineqartillugit akisussaaffimmik tigummineq imaannaangilaq. Taamaattumik pisariaqarpoq sapinngisamik amerlanerpaat ilisimassagaat, susoqassanersoq inuup inuunerata annaanniarnernani.

Nunaqarfimmi najugaqaraanni nukkiit najukkami tunniunneqarsinnaasut pinngitsoorneqarsinnaanngillat. Malittarisassaqaqtuaannarnerlu ajorpoq pinartumik pisoqartillugu qanoq iliortoqassanersoq Demokraatinilu isumaqarpugut tamanna pitsanngortittariaqartoq.

Innuttaasunut avinngarusimasuniittunut pingaaruteqarluinnarpoq, inuit inuunerat ulorianartorsiortillugu iliuuseqarasuarnissamut tunngatillugu upalungaarsimanissamut ataqatigiissunik iliuusissanut pilersaaruteqartoqartarnissaa. Peqqinnissaqarfimmi, qatserisartuni imaluunniit kommunimi. Taamaattumik pissusissamisoorpoq sutigut suleqatigiinneq pitsanngorsarneqarsinnaanersoq aamma ataqatigiissaarsisoqartarnissaalu suliani taamaattuni ajutoortoqartillugu imaluunniit tassanngaanaq pisoqartillugu.

Nunaqarfinni innuttaasut ikiueqqaarnissamut pikkorissartinneqassappata isumaqarpugut nunaqarfinni inuit pingaarutilimmik inissisimasut arlallit issittumi ikueqqaarnek pillugu pikkorissarneqassasut issittumi sakkutooqarfik suleqatigineqartariaqartoq. Naliginnaasumik ikiueqqaarnermut pikkorissarnerit imarisarikkajuttarpaat tunngaviusumik ilisimasassat illoqarfimmiut iluaqutigisinnaasaat, sumiiffinnili isumalluutissaqarfiorpiangitsuni, napparsimaviillu imaaliallaanaq anguneqarsinnaanngiffiini qimussimik ajutoornermiit napinerit pisinnaasarput - qanorlu uummammik aallartitsissutit aallartinneqartarnerannut pikkorissarnissaq tamakkunani iluaqutaangaartarnavianngilaq. Taamaattumik kaammattuutigissavarput nunaqarfinni tassanngaanaq pisoqartillugu ikiueqqaarnissamut periarfissat pitsanngorsarnissaasa oqaloqatigiissutigineranni aamma issittumi sakkutooqarfik eqqarsaatigineqassasoq assigiinngisunik suliallit suleqatigiissinnaanerannut atatillugu.



Taamatut oqaaseqarluta inassutigaarput Naalakkersuisut allannguutissatut siunnersuutaat akurineqassasoq taamaattorli immikkoortoq Ilaqutariinnermut Peqqissutsimullu Ataatsimiititaliamut ingerlatikkusupparput suliareqqitassanngorlugu appasaaneerneqannginnerani.